

Ráđádâlmeh Tiänu kuálástemmiärádâsâin juátkojeh – iävtuttâs luosâpivdo kioldimist celkkimnáál

Suomâ já Taažâ ráđádâlmeh Tiänu puáttee kuálástepaje kuálástemmiärádâsâin láá kukkom. Kuálástemmiärádâsâid láá karttâm tarkkuustállâd uđđâsist ciälkkámušmacâttâsâi vuáduđ kuábbáá-uv riijkâst. Ovdánemmuulsâiähtun lii paijaanmin tot, ete luosâpivdo iävtuttuvvoo kioldud.

Vuossâmuš ráđádâllâmpuáduš, mast kuálástemmiärádâssâid uccii nubástus statârááđi asâttâssâin, lâi celkkimnáál 28.3.2022 räi. Luosânaalij eromâš hiäjus tile tiet luosâpiivdon iävtuttuvvojii korrâ raijiittâsah. Luosâpivdo liččii kuittâg halijdâm tipteđ uánihis ääigi, vâi Tiänu luosâpivdokulttuur puávtáččij paijeentoollâđ tehálumosijn pivdusijguin. Eres kyelišlaajâi pivdemmâhđulâšvuodâin lâi siämmást huolâttum, nuuvt ete Tiänust puávtáččij kuálástiđ puáttee keesi eres kuolijđ ko luosâ váhá juolâdub miärádâsâiguin ko oovdeb ive.

Taažâst masa puoh ciälkkámuš adeleijeeh vuástálistii iävtuttâs luosâpivdo tiptemist muáddi ookon. Suomâst vädisvuottân šoodâi tot, ete iävtuttum luosâ kuálástemraijiittâsah lijji tommit vijdâseh, ete taid kolgáččij olášuttiđ laavâ tääsist ijge lääivib raijiittâsâiguin onnum statârááđi asâttâs peht.

Suomâ já Taažâ virgeomâhááh karttii páhudiđ finnejum ciälkkámušâi vuáduđ, ete spiekâstuvváid kyeskee pevdikirje vuáláččelimân ij lam hinná ovdil njuhčâmáanu loopâ, peic riijkah kolgâv sooppâđ čuávdušij várás laseäáigi. Ovdil oovdân lamaš iävtuttâs keppisub kuáláástmist ij lah lamaš máhđulâš uázžuđ ohtsâšibárdâs, nuuvt ete luosânaalij hiäjus tile huámmâšdijn čuávduš occoo luosâpivdokiäldu peht. Biologâlávtt kuálástemkiäldu lii agâstállum, ko tutkâmuštiäđu mielđ Jieñâmeerâst korjuu Tiänu čácáduv kulij ucceeb luosah ko tijmâ.

Ráđádâlmij ooleest haldâttâs iävtuttâs laahân luosâpivdo kioldimist Tiänust ive 2022 vuolgâttuvvoo celkkimnáál. Ko kuálástepaje lii jo alda, äigitavlu lii spiekâstâhlávtt jotteel. Ciälkkámušah pivdojeh ovdil koskoho 7.4.2022 tme 14.00. [Ciälkkámušpiivdâ kávnnoo tääbbin.](#)

Eres kuolij ko luosâ pivdemân kyeskee kuálástemmiärádâsâi uásild vuávámijđ vyerdiđ ovdániđ jo soppum nubástusâi mielđ.

Lasetiäđuh eennâm- já meccituáluministeriöst:

Vesa Ruusila, pivdotuálurääđi, p. 02951 62051, [vesa.ruusila\(at\)gov.fi](mailto:vesa.ruusila(at)gov.fi)

Tapio Hakaste, ráđádâllee virgeolmooš, p. 02951 62152, [tapio.hakaste\(at\)gov.fi](mailto:tapio.hakaste(at)gov.fi)